

序

古來高賢遯世無悶如投淵鑿坏甘寂寥而忘怨  
悻發爲嘯歌寫其曠懷者不乏矣未有如吾

世父西菴先生匿迹全道若此之甚者也  
極羣書性尤嗜退壯歲居士林聲稱籍甚



愈急至欲刊落家乘散去田廬卒從瞿曇家學得  
法濟上出世靈巖蓋嘗歷洞庭泛湘漢登祝融峰  
矣歸來吳越間一葉身輕踪跡若寄策嘗訝之謂



此衡山一片雲飄蕭江潯已耳猶憶十年前與先生商掛瓢地笑指茗之郭西夾山草蕩以南微波雲流巒壑月映似此中有佳境業營片席踞一木而飛四香可以小憇而先生又他往焉噫嘻此後殆不可追矣愚嘗讀逸民傳儒家有顏曾簞瓢獨樂浩浩眷壽尚矣子房從赤松遊鄴侯隱嵩華終南皆似黃老之學若乃晉代宗炳周續之之流則廬山蓮社中人抗首霞衣藝香滌鉢儼然方外然與陶靖節咏時命賦歸來同一高尚始信古之逸民迹雖不同而志趣則一也今先生糠粃世緣冥迹高蹈瓶錫所至唯恐人知故去而不留卽所作詩亦湔浣紛華殆盡色生於無色味生於無味故澹而益永誦其詩可以知其人矣向所梓行豐草詩文易發等書數十種問世已久今年春裘夏江屏兩弟又刻寶雲詩集若干卷放雲園仙同事較閱紀子大韶列在及門實與贊襄焉先生自丁未

寓堯峰以後爲石屏爲玉椒爲東石澗爲菁山常  
照爲東湖寺爲紫石爲陽羨南嶽皆掛瓢之地楚  
齒落梅靜睇鴻雪則有畫石編西荒編捺艇鳧蕩  
採藤啣雪則有洗藥池編船子往來倏忽無礙松  
飄紅墮聲冥太空則有積雨編夕香編掛瓢集拂  
煙集迄乙丑歲杪而止噫先生之詩手自刪定意  
深遠矣孤行已意困苦何辭偏嗜得真艷生平嘗  
彼衛國之稱志和隱而有名顯而無事廬陵之贊  
聖俞窮而愈工嗟乎是何足以頌先生哉嘗  
康熙己巳歲正月旣望猶子漢策百拜撰



寶雲詩集總目

畫石編

西荒編

洗藥池編

積雨編

夕香編

以下佚

挂瓢集

拂烟集

寶雲詩集

寶雲詩集

畫石編

題昭法畫石

漏霜南潛著

箬廬圖上遭鈍置  
畫我支筇看冷雲  
個是深農親寫照  
碧嶙峋繡古苔文

丁未八月同三峯僧兄宿靈岳大鑑堂之東  
軒深更往返感慨係之

聯牀話雜空階雨  
倒像東軒與雪堂  
老大情懷同

作惡江山今古各飛揚六書苦論銷茶汁寶鏡平

提鬪燭光

時論寶鏡  
三味同具

欠我華亭舊船樣幾時點筆

付滄浪

八月廿七日南嶽老和尚竹輿至堯封江上

張大圓居士毘陵王雙老木瀆趙拜石華山

槃兄和尚及山中翼菴狀伊辛穴諸兄同集

二律紀事

白頭父子清湘轉四壁圖書秋翠分畫手小輪盧

岳卷

遠公畫廬  
山圖一卷

幔亭未美武夷君高山流水同聲

貴石滴松風別調聞禮樂猶尊文獻在碧簪正繞

洞庭雲

嶽面大風依竹杖湖天細雨又肩輿更煩柱下猶

龍叟催補堯年封禪書

大圓居士謂余當  
補放勳封禪書也

蜃象樓

臺留浩氣雲成寶鼎壯松廬散隨排日追游屐看

到梅花歲未除

病目乞藥於拜石

清眸還我一雙碧楓葉猶能十日留單等鏗然筇  
竹響打泉煮喫說潭州

寄巢端明

補山座上訖端明生死論交哭失聲

湘中謬傳端明游道山已

數月斜日半塘收別淚春風石佛待重行

半塘遇黃復仲始得

端明消息端明舊隱石佛路

射堂晴雨新家課草閣江湖舊齋

評茗椀共持頭共白遮回判與盡三更

半塘晤黃復仲

郭西山水冠吳興清絕初平屋幾層我亦渡頭先

借住恨于樵艇未同登

余昔寓鹿山草堂時復仲兄弟築精舍郭西咫尺未

接言

文章畢竟誰酬價寺閣荒寒尚獨凭歸去寄

聲巢父著堯時怪石不曾崩

廣陵天寧遇井人

廣陵重見夜鐙親總話山裝不話貧雁蕩我縫看  
濕笠武夷爾亦未游身晉鋒鬱律雲門篆蜀管飛  
揚雪嶺春不盡西軒枯絕句知希能與幾人論

讀五牧劬兄風雨至勿齋徐先生墓下有感  
之作次韻

石庫英華憶碧峒

十五年前夢至一洞天額曰碧峒邊有石庫藏書書皆述古今

臣節余有碧峒石庫記

文關忠孝句偏尊提醒東壁圖書府

身是南宗社稷臣

劬兄有大勳勞於禪林

放目湖山空百代

論心澗上得三人

得詩之日期共詣澗上人家

松門風雨歆吟

笠吾道從來本大倫

曩作進道解元哲合孝章諸名家文付裝匠

而孝章書其額曰離文字相客有讀新詩疑

六書擔子深屈元哲余復自理

離文字相幾年餘肯把新詩觸忤深黃石名成譚

博浪武夷仙後獻乾魚苦寒汾祖殘山舍經緯周

家舊隱居

周續之通五經五緯有廬山隱居

底裏傾來遮不得可

知離字也應除

偶書

王水擅補天元論誰痛軒皇屈未伸看注內經林



寶雲詩集  
屋序妙高頂去叫斯人

蔡林屋序其弟內經  
註辨深明世說之訛

卽事

到眼茶烟舒足素打身木葉勒秋紅風傳隔塢鐘  
三杵燭焰未成書一叢

洗樹根藉兩足

放閒天柱峯頭脚冷踏吳山老樹根像獅子兒像  
伏兔客來判與細評論

茗葉盡則飲薺薇

雨牕夜渴傾茶帖曉起重吹瓦鼎灰奪得千峯杯  
裏色薺薇新剪嫩青回

湖上村

胸中雲夢誰酬價口角枯柴不佐炊四月梢頭湖  
尾冷棟花紫暗雨如絲

雨中超侍者歸自木瀆

已公巖畔雨點粗蒼苔滑躡雲模糊憑將木瀆歸  
裝寫活現衡山冒雨圖

夏至日讀春浮錄云政禪師韵致清遠有錦  
谿集三十卷恨不及見之

禪林霧塞三千里墨苑荒來五百秋縱是錦谿真  
本在論文肯到政黃牛

超侍者有插秧詩用其韵

護秧天氣陰晴變帶濕黃鸝倍惹聽披搭半肩肝  
陌在輪他翡翠一分青

西村雨來

大幅東絹着水墨雨在陽山箭缺西陣雲未到桔  
槔卸冷綠一堆雛鳥啼

水車詞

天荒地老意難傳倒腹傾腸定那年爭似轆轤翻  
暮雨一時吐盡在君前

抽動寒泉百尺深綠楊曲處聽車音須知嗚咽聲  
聲訴訴盡千迴萬轉心

寄聲香谷在

神傷乍見阜菴說哭弟詩傳一百番雙槳打來乘  
九月接天秋水在西軒

九月尾聞佛巢逝矣

水牕版屋詩千幅黃土青松壁一雙才點遺文標

絕筆

昨拾電拂遺文寫一卷

又垂秋淚發吟箱雁門故事愁

鴻雪

香谷菴名鴻雪

紙燭因緣黯漏霜

佛巢系余補船舉紙燭緣

非復

遊湘暫分隔烟江何處叫蒼茫

老和尚有勿齋徐公墓下之作命潛和韻

磊落陽山骨高寒一墓專松門方外禮儀注野人

傳往哲留家法吳中首此賢幅巾同學後

昭法飯老和尚

稱幅巾弟子

豎義轉澄鮮

落梅片子歌

洞庭近歲出新意採五月茶焙法清異名不雅馴余名而作歌

四座勿喧停茗椀聽說文章與書畫古文濃鍊取

丘明周誥股盤最光怪龍門史記盪烟雲出之以

淡尤瀟灑畫自唐開南北宗直到倪迂別宗派山

情水性氣息無點墨幽涼同沉澹不阡不陌晉書

法褚虞顏柳空疆界淡來恰勝趙吳興雲間親口  
丁寧誠工窮巧極逗天真法到盡頭如脫械世間  
萬事貴疎宕茶事新更非法壞焙芽已奪龍鳳團  
廟後名高紫笋殺茶經枉自討精腴蹙廉襜當  
日話洞庭茶法出意表掌大摘將如狡獪肌分理  
卸焙溫柔文火輕於冬日曬逸品誰將色味箋五  
月松風同日賣放倒旗槍不著提落梅片子名聊  
疥清微標致絕風塵侯以晚甘安肯拜還蒸豐草  
非烟香副以清泉稱二快

九月十七夜榮白兆在香谷及支石集補船  
雁影堂明日將至鴻雪得乾字

彈鐙說着葦花灘蕩漾秋隱作許寒眼見黃牛追  
白馬促教青士夾蒼官釘來堂額題還濕放下泥  
盤壁未乾定靠蛾眉豆棚坐蜀中山水話更殘  
聞道晴沙雪半灘秋吟聲透樹身寒何曾蔬筍關  
詩病一向庖厨薄大官思要吐雲天目活句如入

水石脾乾概頭船子尖頭屋來趁江楓落未殘  
有藁漁屋隔溪灘可構危樓像曉寒也學林逋  
鶴子免隨楊朴賽蠶官殘僧幾個樹腰簇老雁一  
聲雲脚乾苦向西風憶詩電句中神骨不曾殘  
待者能詩  
亡五年矣

軍吳漾

秋漾荒荒白軍吳事杳茫詩緣隨窄艇風信委枯  
桑泥塔雙橋串驚濤破寺當因之話黃雀樓勢等

孤翔

泥上  
聲讀

鴻雪後軒余額之曰雲荒

枯柴儘勾一冬煨留着膨脗老芋魁尚少溪沙堆  
蜺殼西風吹起紙爐灰

烟裏鳧聲柳裏塘鱗鱗秋浪隔漁莊漫將渴筆雲  
荒字抵對花荒與月荒

老鐵春作花  
荒秋作月荒

秋遂藏餅甸真寂大師手墨有坐香小食帖  
不睡關心夜竈柴禪林衰相苦安排蒲團刻漏吩

叨囑香線還拈醉墨齋

雙林寺同白兆支石秋遂聲宗諸子夜深坐  
話舊蹟已看天眉詩本

開元石像太沒興靈跡江浮又一回孺林兒林敲  
古額慧遠慧持愴老懷指香谷弟佛象睨人月向溪口吐  
出格話從天際來大珠圓成小珠滾歷落滿盤驚  
異才

天到橋宋高宗南渡過此橋左有龍如嘴

軋村留輦道家乘記梅花更豔龍船嘴曾喧帝戚  
家棕輿懷潤幸栗玉已京華徽宗南幸至潤州御  
棕頂轎子及還京服  
栗玉並桃冠見老學菴筆記白塔千年淚冬青濕冷霞

返補船重寄雲荒

小立凋騷禿柳灘相當骨相鸞鸞寒問來草木名  
皆藥製得文章樣不官雨後山迎詩版綠田家樂  
取稻義乾笋鞭菜甲般般損贏得雲荒圃事殘  
江聲磊落聽昭灘踏上朱陵步步寒詩佛新條頌

四座樹王作氣擁千官一篇岳記文同闕幾朵廬  
峯想未乾打點包腰補遊案相看鬚髮各凋殘

和病目

柳暗花明等是閒寫懷絲竹黯相關碁圖路路斜  
飛陣畫牒番番懔懂山古今史事上心處長短更  
聲默數間老愛烟巒看無分尋碑屐子夢中還

題王勤中罌粟小幅

倒盡撐腸罌底粟來看透紙霧中花還敲怪石星  
星火翠潑頭綱廟後茶  
秣緣罌破難收煞剗地牽連黃粟留四月草花山  
似錦憐他百鳥樹梢頭

往湘中行一日與支石立江上見神馬踏江  
而過大奇寓南林看鄭霖巖畫馬扇面作短  
歌

小孤山下濤花灑浩蕩秋心滿秋野霧景風髮指  
顧間亂踏長江一天馬當時苦恨無人寫見君畫

馬青楓下提起舊懷愁一把老鄭虔家克家者壯  
游莫惜衝人鮓

九月先太史墓下作寄幃孺

肅皇禮樂古無儔賜馬爭傳天路遊鳳翥鸞翔文  
六世西清東觀史千秋傳成僧寶分家乘集彙梅  
林補玉州得汝采真成合璧竹林安獨擅風流

過石湖

石湖的是詩樣子淡到極頂顏色鮮吳興最冷夾  
山漾兩處可浮船子船

老和尚示海苔詩命潛續咏

麻姑鳥爪擘不得知是蓬萊殿脚苔三千年後水  
清淺化作彌天翠玉來



寶雲詩集

西荒編

寶雲南潛著

西荒之始

歲晏乞骸骨西山躋凍雲一荒老將至百嬾研先  
焚豐飲合瓢栢投林混石羣作書報巢父嶽展倘

余分

辛丑寄巢端明詩云會從木  
師乞骸骨五岳與君同往還

隔歲不晤介軒雪後相見補船恣言山水介  
軒云一笑那可得此語可念介軒今年政七

十矣

畧例視前皆登臨卽勝場風流成二老不朽指叢  
篁茗味消餘雪詩心逗遠湘橋名定今日倣古隸

書堂

舊居鹿山渡頭村有書堂  
橋顏清臣同皎然簡書處

題酒侍者絡藤樹

嚼雪衡雲中側腦見古樹至今瓔珞網垂青得偏  
勢

雪後上堯封頂作澗上畫評

雲山料簡到荒古如點韋郎五字詩淡而雋得味  
外味積雪來看應倍宜

比於閣帖書逸品灑落王蒙神似之老木寒沙是  
何許孤游欲赴山樵期

登縹緲峯半嶺得雨雲

峯厖不易見層青沙道盤飛雲解珍惜含雨裏嶺  
旣縹緲懸心合烟霄失路難緣知古人意名定弗  
輕安

水月寺

繞寺不能去碑看正統年感時遺刻重懷舊路松  
傳泉遠受山翠花孤眇衆妍誰憎一峯隔雲片望

中連

寺門碑紀正統十五年

南瓜

黃玉中函翠羽塗輪困野質委山厨判將枯梗隨

豐草剩有閒名合鷓鴣

鷓鴣鳥一各懷南

七箸粗充分曉

杵中流憑仗愧浮壺從今繪入田園樣定壓青門

五色圖

見茂倫近體驪珠集感賦

姓氏驚看半已淪浪游天地愧閒身要從品外見

神賞頻向卷中呼故人詩入餘年裁善別交今亂

後告知真婁江渺渺虞山近虎阜吞聲記水濱

集

載王雙翁虎阜詩題有西銘先生及余一段話

立冬四日粲西園從庚村來夜集水堂

夾山漾綠蓼花丹細雨朝饑百里難貧後詩囊離

舊線老來句味畏餘酸谿村茗竈憂松子秋館遺

裝秘飯乾引南朝高僧笈中飯乾事紙價正高風力緊一天柿

葉又吹殘

題湛思園中草木畫冊

一架青光覆冷雲肯將紅墜怨芳翠祇因濯手三

秋露讀遍韓家大雅文薔薇折枝

瑣事誰徵越絕書浣花響屣幾乘除梧宮秋曉西

風急八月江聲怒子胥西施夢草

簾外春風玉翅蘇輕黃松粉染花鬢還將鳳尾山

堂調鼓吹滕王舊日圖蝴蝶花 余昔製花樂府有鳳尾草歌

歸去來辭入夢新一天字雨白如銀秋堂叫絕昭

陽史祗許衡山草記人當歸花 余往刻昭陽夢史中有夢天雨字成一篇

歸去來辭黃九烟居士絕賞此書九烟有南嶽游記

又題畫冊後六絕

一曲虞兮水調哀苧蘿千古愧琴臺吳人傳研山琴臺為西施

月恰如錯下龍門筆老子韓非合傳來茗中閱紫闕題虞美

人草樣旁及五湖  
故事比之合傳

南渡秋風叫嶺猿石湖雜興引田園高僧苦惜宜

和墨草白沙黃雪正繁

長生此和尚題畫絡繹有見徽宗草蟲樣感歎之語

白頭陶老碧湘中書及吳興問寓公待共祝融峯

面立問他天上寄愁宮

黃九烟題萱草引埋憂之語頃陶仲調書來寄聲九

烟問  
游跡

司勳吟力起南朝東觀聯詩墨未銷欲向華山呼

枸杞當時仙隸記雲韶

皇甫堯臣題畫枸杞嘉靖中司勳與先宗伯文筆往

復昔陳希夷在華山有仙隸  
二人一日黃精一日枸杞

吳興仙卉洛如花郡有文人色倍誇射眼杼山蒸

五色可巢霞起墨莊霞

毅夫翁題洛陽花樣長君紫闌印曰可巢毅夫印曰

墨莊

宗工冠代宋潛溪昨見丹鉛氣吐霓寶玉大弓分

署卑一編爾雅又箋題

湛思年來事列朝文選昨從曉寒漁所見評論宋學

集士

黃九烟居士重過寶雲

不朽文章感慨餘未成吳越卜新居北天簫鼓仙

韶樂夢國河山太史書自言將製北俱盧傳岳記奇又有夢史高一尺

清裁空左馬禹碑真訣授樵漁竝隸九何年去孥烟事

東籬叟謂湘中三笑重將旅抱舒陶仲調

虞聖民七十作詩為壽聖民前病目

霧中花色晚晴時料得方瞳炯菊籬待注玉蟾抄

綠宇先催銀燭晝烏絲神樓舊墨當年話二十年前余為

聖民作志園圖記引游譜新編此後詩瓢飲差豐先輩劉南坦神樓

圖贈與堯雲一片永相期堯封頂有怪石名堯時一片雲

追和余鴻客首春雪中遠贈之作

江左聲銷感慨頻論交山水見斯人詩聯石鼎吟

緣僻雲洩香鑪晝樣真鴻客作名苦擬二泉同茗香供故云

味寄詩日余愁教四角礙車輪峻嶒一片堯時磬尚在梁溪

來坐楓林別調春堯封頂有磬石

鬢鬣烟寒遠岫空簷水敲徹玉丁東賞心事續西

山後絕妙詞開白雪中得鴻客詩時方孤嘯不期從西洞庭來

逢阮藉放情何惜忤山公相從攀得唐詩例一個  
爲雲一個龍

冬青軒

冬青誰記舊題名牕裏吳江烟際城饑禽啄樹寒  
日下漏葉灑牀疎雨聲

前十年共幽棲石兄和尚山樓集話有結伴  
游湘之期今年辛夷兄一周甲子述遠懷以

爲壽

江南好山都上心江南故人馳好音祇看髮共故  
人白難得好山棲共深望衡對宇情話長畫裏移  
居樂未央我亦瀟湘洞庭客相期故人游故鄉楚  
山好並吳山好衡山紫月湘烟縞寫成雙笠看碑  
圖畫苑千年傳墨寶

西田謠壽王太嘗烟客

西田老人雙頰朱西田秀野天下無爲督西田看  
雲約十年不寄西田圖花連鹿柴辛夷香輞川流

傳圖卷長古今相望詩畫絕  
輞川整暇西田荒山水  
由來貴荒逸高人雅會從  
真率西田對話挂西  
牕霜葉聲中看點筆

聞大已上峯頂立望成咏

故人待未至木葉吹滿殿  
崖側青玲瓏竹樹長廊  
串吳山茲最深苔磴幾舒  
卷霜晴紫石灣林迴雲  
亦善山輿迫清咏逆料先  
鋪硯

得脫菴江上信

前聞脫菴  
臥疾累月

夜窓三十刻鐙焰不支霜  
定思雲鬢蹙踏嶺話蒼  
涼身在憑書到吟孤惜路  
長來聽龍嘴勝我已字

西荒

吹雲

西風葉葉動松鱗吹雲作  
波波作雲不知萬古秋  
湖面誰管飛綃白鷺羣

廊月示霜樵

乍疑入峽路積竹儼蒼崖  
斜月睨西嶺流光依我



儕高林自成晦孤照不妨埋殿角石泉滴冷冷清  
未涯

櫻桃歌

寒夜閑李君實先生紫桃軒集稱  
文與可櫻桃歌余遂點筆爲和

綠陰射透江霞赤赤玉盤空驚一色麻姑狡獪燃  
丹砂灑作桃花彈九石桃花彈小藥一丸只打黃  
鶯花石闌冥冥花氣飛花彈花彈鶯含花未殘

寄靈璧靈珏

樵法名靈璧  
未法名靈珏

王維小簇嘉陵片絹素春移大同殿海水真投一

滴中化工奪得無人見文章蒼莽無意求交加綠  
樹奔松颺忽然點注元氣集一尺蓬山十二樓

燒葉語

雲濃葉濕烟不起獸炭人間鬪形似蟠花鴉鴿胡  
桃紋圍話渡江供御事孫登生不愛風塵蹙口鸞  
聲太古春放溲散髮莫傳告分付西山作炭人

懷鄭桐菴首夏從澗上見桐菴天論三篇

誰把天論百廻讀拈提桐菴千古心異端滿地浪

言命吾道經天須正音

西學天主賦命之說  
儒宗不能辨其非

老典

山水跡疎放著書門館風蕭森粗成易發出少作  
肯與膏肓下一鍼

老人四影軸軸占一時老人命潛各述四句

橫枝鱗老骨珊珊灑袖餘香雪瓣乾一意嶺南風

味在管他高處不勝寒

春惜

滿殿寒青避暑來難尋覩史一分埃而今掃葉歌

雲漢恁大胸襟自解開

銷夏圖

嫩桂當初只二株冷香秋曉四山鋪待看滿地黃

金屑更補靈山柿桂圖

秋崖圖

肯將束皙補亡誇純孝難箋古白華掌大雪花風

力峭辨知詩正不關葩

歲寒

壽箬廬處士

蒼然寶雲樹寒射箬廬門引望念彌日到來忘所

言市聲桐吹隔軒勢竹中尊待合匡山社東籬古

製存

霜旦有客讀殿角碑

雲中舉指憑樵隊  
鷹外呼風遇獵師  
不知盤過幾重樹  
滿履苔花來讀碑

從研山返堯峯下竹輿一晤朗成而去時朗  
威病後

冬山靜默類高士  
古澗澄寒生遠聲  
病起書巢閑客座  
感懷野築話躬耕  
漆屏風暗滌詩眼

時讀屏上新詩

花石闌圍放竹萌  
句愛故交籬舊熟  
坐深忘了筍

### 輿程

寒日

山寺日出簇烟翠  
曉堂人靜空風林  
瓏鬆窓紙松鼠影  
搖兀牆藤凍蝶心  
雲脚斷處閃樵檐  
霜花濃來低鳥音  
詩家雲門是李白  
豪氣辟寒抽架吟

吾友不寐翁屬詠  
春草閒房久未寄  
也秋中七十初度  
設詠爲壽

蕩漾波紋綠未消  
江南春晚繡茸嬌  
暄風客屐披

三徑微雨池塘夢六朝狼藉墨花分曉翠飛揚生  
色淡輕綃高年重把離騷注磊落文章雅學饒

山館卽事

索索冬山收綠潤泠泠暮館坐餘清耳邊乍得江  
村意風捲前谿鳴陣聲

臘月見石谿兄臨岐書跡

垂盡苦拈示傳來楓葉圖秋令人短氣筆况出心  
枯湘路絕浮鷁白門啼曉鳥斷崖殘扇墨尋著淚

重濡

寒曉

拂拂寒原白泠泠漸曉天鳴雞雙翅雪老檜一身  
烟不定掛瓢樹清空出縷泉蟹行琴調急窻紙受  
風偏

往隨老人浮湘不及登廬山望山影歎耳汝  
晉兄頃從楚歸詩卷中有及廬山者觸余舊  
恨

寶雲詩集  
廬山入夢寐身尚未爲僧及此一頭雪應爲五老  
憎高賢終寂寞飛瀑舊憑陵更復慚宗炳丹青學  
未能

代簡問拜石病目

一杵清鐘冷翠間雲生閉目竹窓關世間色件相  
當少挂起長蘄著雨山

雪獅子

出窟獅王玉一團喜逢大地展霜紈花逃笠澤西

奈舞臘盡吳山峯嶸寒

西奈山端獅子在焉  
吳中獅山古名峯嶸

古路

橫身羣色避春風滴乳後來看摩挲會見藏牙爪  
柳絮漫天漾碧瀾

菜花

花畦仍舊稻畦痕桃李同谿祗異根夕陽滿地連  
香海黃蝶春風鬧水村不辱泥塗留正色肯憐瑣  
屑念深恩繁絲惹管雲天隔牧笛聲催社酒溫

春盡

谿雲將雨不多點山鳥送春無限聲放行稚竹過  
牆好貼體風松掠耳清

四月晦日作

乍伸四指月頻除長至輪來半歲虛花事闌珊看  
百藥感懷將次到三閭吳郎衣摺尊條濶諸葛皮  
膚栢榦疎吳道子畫釋像衣摺如尊條  
諸葛孔明手膚疎如松栢紋七箸驗來  
身對焙麥秋天好喚山興

蠶豆

落梅如豆豆初肥綠繡江南乍減衣採桑天氣青  
羅膩潑茗溪堂紫燕飛好賽蠶官同薦麥合遺孤

竹湊山薇上沙孺子偏珍嗜知有斯人知未希

吾友

昭法薦  
嗜之

五月山房冷

五月山房冷憑高物候更圖中看積雪烟際指孤  
城叢石吐清氣幽泉飛雨聲菰蒲青滿眼思殺釣  
船橫

新篁

透空寒玉太清生  
跳脫人間草木評  
雲表未甘春寂寂  
夜深猶自玉鏘鳴

生成青骨冷難圖  
金錯刀寒篆法枯  
絕倒人間依樣畫  
破牆燈影勒秋蘆

託根絕壑稱清羸  
脫卸寒烟逐節奇  
塵土才離判荷任  
滿身春雨不低垂

山雨來

樹綠飛寒沼似苔  
車聲隱隱澗西迴  
眼前移得烟波色  
雨在蒼溪一角來

插秧鼓

插秧鼓鼓聲沉沉  
入谿雨千山花盡不  
催花催得秧鉞向人  
吐向人吐時人半醉  
秋成重說明年事  
明年事春風狎獵鬪  
春旗吳布潤栽書社  
字

雨中點孟郊詩

孟郊不在唐聲在  
吳山雨雨作孟郊聲  
聲寒味成

寶雲詩集  
苦苦雨打堯石慎莫入場圃入圃藥苗愁打石清  
音吐

暑中絕句

催將暑退支藤架  
蹙放雲歸開竹牕  
茶話新翻惟種藥  
路程舊本是湘江

種藥藥單尋遠志  
湘江江最說昭灘  
遠志志於山水好  
昭灘灘子使篙難

樵擔吟示霜樵諸子

漏霜樵擔未卸  
茗溪溪路未遙  
茗山山茗水如畫  
我本茗溪老樵

得山中樵者問作五樵圖

寒綠沒層軒  
軒中人亦綠  
樵斧礪青山  
秋林眼樵

東五樵圖漏霜曰補樵霜樵曰霜樵青迴曰青樵西瞻曰秋樵兼樹曰兼樵五樵皆冬青軒中人

追昔遊寄井人

茗水綠如烟  
茗花白如雪  
茗花與茗水  
清秋雨兩奇  
絕茗水似瀟湘  
湘烟江路長  
湘江忘不得  
家語斷



人腸田田藕葉浮採菱西渡頭西風吹老淚轉船  
追昔游昔游入湘州茲游入茗雨烟雨入秋詩詩  
成委南浦

樵庄四咏

矮山叢綠秀爛熳斷崖紅何須畫湘路掇上小屏

風瀟湘岸

樵是江南僧只作江南語鄧尉及包山棲賢三處

所梅花柴

風吹蒲葉低葉葉明秋雨風吹樵子衣一線一絲

苦青蒲堰

風霜切歲暮惻惻徒然已獨有歲寒林青青影苔

水冬青林

讀賈誼傳

宣室承清問憐才漢帝真長沙從遠宦明主保孤  
臣痛哭身謀廢傷生密眷淪空將遷謫恨百代慟  
詞人

示霜樵超書記

龍嘴石非石定是樓臺雲作記我心許筆渴無奇  
文舊年踏落花尋我小西湖秋風打雨漿重去寫  
秋圖

趙拜石至

適逢樵老飯鍋熟乍迂穿松竹轎來急索箸廬圖  
洗眼畫箱藥籠一時開

兼樹複子中有靈源寺詩冊想見前輩訥公

其祖也

南州遺老集往往歎訥公炫目苔編黑廻腸手澤

逢

借菴先生詩在

山川前輩異吟嘯五湖空秋寺詩能續

梅花兩世窮

余擬秋過靈源

遲季章定藥劑

石牀虛設不安琴山水誰知絕調音西嶺浮青游  
子意涼風貼體故人心軒轅書裏方應缺蜀道難  
時苦未禁洗劑肝腸投世好回生綫路此中尋

靈珏未持趙心山先生畫幅來

疎林依約雪谿灣  
索靖風神字畫間  
南渡後人誰復憶  
水堂提起趙心山

水鳥

汗漫終何適呼名亦自藏  
柳絲千種護荇帶十分  
香野渡啄山影冷雲隨  
夢鄉浮家泛宅者烟水倘  
相將

題唐子畏擁爐小幅

梅鬚凍損縮項看蟹眼聲遲蹙  
口呵不信北風吹  
馬耳層冰兀影渡黃河

聞荷

晚荷搖遠渚曲嶼逗樵風  
小立數人影都浮香氣  
中澹覺暑無力靜來谿轉空  
終思廬岳樣秋沼一  
禪宮

潭影

影落寒潭中洗衣兼洗影  
洗衣秋摺清洗影山心

冷洗衣衣有聲洗影雲花輕寄言潭上者不如洗  
浮名洗影不洗轍洗名人迹絕

谿閣

桐風高病色蘋路宕漁音借此閣游屐差爲中野  
心文章平處得山水淡中尋始信龍門史言奇讀  
未深

采菱苗

采杞亦有時采蓴秋客思采菱更舊曲聽我菱苗

詞受月得涼骨承烟生雨姿沉妍白柔適婀娜溪  
風吹風吹菱葉翻葉葉秋心繁秋心與秋路繚亂  
不能言

伯父季爽先生畫冊歌

借菴先生童牙稿自敘所謂故人趙廣業諒士是  
我童子師南渡王孫長文氏一童子時聞師言神  
廟朝海內太平山川潔清同若父匹馬秋河昭王  
古臺下感慨久之同若伯父游學南畿二當是時

南畿游學鄉中平涵相國司業望衡對宇歡若金  
石大司成某源源本本泌園絳幃三季爽先生豪  
氣五千尺宋小侯置酒雨花臺擊筑塋篋飲酣耳  
熱大丈夫死未忍屈首抽黃對白四明日入謁大  
司成大司成曰起起昔大宗伯文章勳德未墜黃  
門先生捐棄茅夫人教子義方天下聞五茅夫人  
教子子咸成名君逸才能作畫蟲書飛白網羅西  
山古文胡不攻應制文章一鳴空羣六吁嗟乎悲

應制文章可爲也而不可爲季爽伯父所以散髮  
清溲孝養道尊携手丹青宋石門七舊日畫厨石  
門對軸作手淋漓識者曰有筆畫莫微於筆墨不  
可以有墨而無筆况二者俱無何以爲八秋船問  
疾門人靈珏持季爽先生畫稿江山咫尺古道猶  
存九我季爽先生哭王母嘔血死孝孝子節士斯  
文章書畫之大旨歌以言志敢告畫史十

乍涼

清溪曲曲樹如環  
疎受涼雲屋幾間  
數聲白豆花前雨  
一髮青菱葉底山

讀漢饒歌雉子班感之

更生傳中說煮石遁仙人  
天上足官府巖花畢隱淪  
飛揚黃鵠遠局促雉媒親  
悽惻提翁孺山梁語倍真

咏藕葉

祇爲禁秋雨寒塘立不辭  
影添南浦靜香遺草堂  
知零落持殘綠鱗音  
赴曉吹山衣慎裁剪野製古來垂

先令秋岸兼樹訪鹿山舊樵所

書品喻山水應叅大小王  
吳興能淡適此事右軍  
長氣勝嫌豪舉波迴取退  
藏舊樵聞健在行與問  
滄浪

許君至說種香樟語殊旨

勸我種樟樹移枝定指南  
鵬揚溪上話名義許相

叅隔日綠到地披風香滿潭異材難攝護歎息意  
深含

秋岸說東坡書院之勝

老樹池上鳴饑虎池中浴眠石鞭不起仰視星光  
綠樹亦不知歲暑亦忘其酷夜深梵放寒泉聲與  
相續

枯桐葉

莫以獨憔悴林中葉盡更動搖秋浦色領袖歲寒  
聲聽處得琴理吹來如水清題詩舊時事索莫不

關情

哭江上脫菴逸子憶昔浮湘之役

瀟湘往返路三千瑟縮悲歌篋屋船獅子吐雲鳴  
夜氣魚山躍日話江天西荒雪窖吟聲隔破寺花  
籬句譜傳震喝臨岐人鬧說可堪老淚滴遺編

洞庭鴻跡禪衲訥公之孫生綠苔之上林侍  
者兼樹受業也歲在癸丑兼樹春返舊山會

鴻跡三十初度請余言以爲獻

謝公孫子村山衲撥轉匡廬局勢新昔在書堂橋  
畔住憎他文苑老藏身杏花雨洗摩空翅柳絮風  
吹透網鱗勸逐春雲試行脚賣鞋人是睦州陳